



UPAPASHO NDABA LWASE BVM

Umhla we 19 kwi Silimela

UMCELMNGENI NGOBONELELO LWAMANZI E-DE DOORNS

Ngomhla wamashumi amabini anesibini (22) kwi nyanga ka-Canzibe (Meyi) kulonyaka sikuwo, umbutho we-Hex Valley Water Users Association (HVWUA) yazisa uMasipala ngokufumaneka okulinganiselweyo konikezelo lwamanzi akrwada ukusuka ngomhla wesithathu ukuya koweshumi elinesixengxe (3 – 17) kule nyanga ye Silimele (Juni) sikuyo, ngenxa yoqhagamshelo lwemibhobho emitsha egunyaziswe ngulo mbutho we-HVWUA. Ngenxa yoko, umthamo wokufumaneka kwamanzi akrwada eDe Doorns Water Treatment Works uye wancitshiswa ngamashumi amahlanu epesenti (50%), nto leyo ebangele unikezelo lwamaxesha ngamaxesha kwidama kunye nabasebenzisi bokugqibela, ngakumbi kwiindawo ezifana ne-De Doorns East, De Doorns West kunye ne-Stofland.

Ngomhla we shumi elinesine (14) kule nyanga ye-Silimela, umbutho we-HVWUA wazise uMasipala ukuba iwuhlaziyiile umhla olindelekileyo wokugqitywa ukuya kutsho ngomhla wamashumi amabini (20) kule nyanga ngenxa yeengxaki zobugcisa eziye zafunyanwa ngethuba lokuqhagamshelwa kwalemibhobho misha. Xasithathela ingqalelo umhla ohlaziyiweyo wokugqitywa, singu Masipala silindele ukuba unikezelo lwamanzi okwethutyana luya kuqhubeka kude kube ngumhla wamashumi amabini (22) kule nyanga sikuyo ye-Silimela (Juni), njengoko indawo yokugcina amanzi kufuneka izaliswe kwakhona ibe kumanqanaba afanelekileyo ogcino phambi kokuba umgangatho ophelileyo wenkonzo ube nokubuyiselwa. Ukuzaliswa kwakhona kunokuqalisa xakugqitywe oluqhagamshelo lemibhobho mitsha wobonelelo. Singu Masipala siza kuqinisekisa ukuba abahlali abachaphazelekayo baziswe ngokwaneleyo ngenkqubela-phambili yoqhagamshelo, ulibaziseko olunokubakho kunye namanyathelo okunciphisa alandelayo aya kuphunyezwa apho kufanelekileyo.

Okwangoku, itanki lamanzi elingumthamo we 35000 lithasi lithunyelwe kubahlali base-De Doorns, lifumeneka kwisikhululo soMlilo ngezizathu zobuchule kunye nokhuseleko. Abahlali banokundwendwela iSikhululo soMlilo ukuya kukha amanzi ngezikhongozeli zabo. Ukongeza, itanki lamanzi elincinci lo mthamo we-5 000 lithasi liye lathunyelwa liyohambisa amanzi kwiindawo ezichaphazelekayo ezifana ne Stofland (ukusuka ku-8th Avenue ukuya ku-1st Avenue, eyona ndawo iphakamileyo ukuya kweyona ndawo isezantsi), iDonkerhoek, iLubisi kwakunye neWeltevrede. Amanzi ahanjiswa kumakhaya achaphazelekayo ahlala kwezi ndawo zikhankanywe ngasentla. Umthamo wonikezelo lwamanzi kwelitanki kulindeleke ukuba lihlale iiyure ezimbini, emva koko iya kubuyela kwitanki elikhulu ukuze iphinde igalelwe, phambi kokubuyisela unikezelo lwamanzi ngokuthe ngqo ukusuka kwindawo yokugqibela yonikezelo.

Okokugqibela, abahlali bayaqinisekiswa ukuba amanzi aphuma kuwo omabini lamatanki ngamanzi ahlala evavanywa ukuqinisekisa ukhuseleko lwabahlali. Amanzi ahlala ekhuselekile ukuze asetyenziswele ukusela. Siyaxolisa ngenkxamleko ebangelwe ngulo mba kodwa siyaqinisekisa abahlali ukuba sithethathethana ngokungqongqo ne-HVWUA ukuqinisekisa ukubuyiselwa kwenqanaba lenkonzo elipheleleyo ngelona xesha lifutshane.